

Miercus 15
S. Albert il Grant

Joibe 16
Dedication de proprie glesie

Vinars 17
S. Lisabete di Ongjarie

Sabide 18
S. Odon

Domenie 19
S. Simeon rimit

Lunis 20
S. Crispin

Martars 21
Presentazion B.V. Marie al templis

Il temp
Plois, frêt e nêf

Il proverbi
Miei parons di une cjase
che no servidôrs di un cjistiel

Lis voris dal mès
Dait tiere ai articjocs
par proteziju de glace

Il sorel
Ai 15 al jeve aes s.04
e al va a mont aes 16.45

La lune
Ai 18 lune gnove



Il prin periodic nassût intune «Sezion di alte si-gurece» di une preson taliane al è «L'Aquilone» di Tumieç, ideât e imbastifò di cooperative so-ciâl «La Collina» cui presonîrs de Cjase circondariâl cjargnele. Il prin numar al è saltât für gnûf crei cualchi di indaûr, ma a son zaromai un pôcs di mês, che e je nassude une vere redazion che si da dongje une volte par setemane par discuti e par scrivi su sintiments provâts e causionâts in chei altris, cence poesiutis, pinsiruts e lamentancis, ma cu la possibilità di pandi anche une critiche su la condizion des presons. Il progetto al è prudelât dal Garant reg-jonâl da lis personis cence libertât personâl e de Cjase circondariâl tumieçine. In curt, e par-tissarà la presentazion dal sfuei intes scuelis de region, par cjacarà cu la mularie di legalitàt e di compuwartaments pericolôs. «L'Aquilone» – al à declarât il garant Pino Roveredo – al smire di «butâ jù chès cjacaris che a piturin la preson come un puest là che si passe la zornade fasint la biele vite, dismenteant la disumanitâ di chel ambient. A Tumieç, a vivin personis condanadas al ergastul, che a cjatin la fuarce par là inde-vant e par rifleti, contant di se, scrivent».

■ ART DAL DÌ DI VUÈ Il cantîr dai «Colonos»

A tirin a dilunc i apontaments di “Insumiàn - Cantiere aperto di arti contemporanee”, inma-neâts de clape culturâl «Colonos», intant de Sierade. Daspò de presentazion dal video di Paolo Comuzzi sul progetto artistico «A brene vierte», fate ai 10 di Novembar, al è programât un dibatiment cun artisç di etis differentis. Il confront su lis formis dal «fâ artistic» e sui ra-puarts cul sisteme dal art contemporani, ani-mât di Angelo Bertani, al è programât par domenie ai 19 di Novembar, a 10.30, li dal agri-turism di Vilecjaze di Listize. I protagonisti, presints anche cun cualchidune des sôs oparis, a saran: Matteo Attrua, Ludovico Bomber, Giorgio Valvassori e Alessandro Zorzi. Di ché strade, Giorgio Valvassori al screerà une opare permanent paï «Colonos», che e sarà intitulade «La mongolfiera».

La formazion plurilengâl dal Convit «Paolo Diacono» finanziade cul program «Rush» di «Erasmus+»



Te foto, il projets internazionâl dal Convit statâl «Paolo Diacono» di Cividât «Young G7»

Scuelârs di «Serie A»

Tal mês di Zenâr, a rivin a Cividât lis scuelis de Galizie e de Cravuazie, intune sperimentazion su la formazion plurilengâl

Cui che al cres do-prant te vite di ogni di dôs o trê lenghis al è un citadin europe-an plui pront pes di-sfidis dal mont di vuê e di doman. Ben par chel, la Commission internazional, che e veve il compit di tamesâ i projets di finanziai cul program «Rush» di «Erasmus+», e à premiât a ducj ponts la propueste rivade di Cividât.

Professôrs, educadôrs e scuelârs dal Convit statâl «Paolo Diacono», intune cui coleghis di dôs scuelis galizianis (Spagne) e di une scuele par talian di Rovigno/Rovinj (Istrie cravuate), a saran ingaiâts par trê agns intune sperimentazion su la forma-zion plurilengâl, che e cjape dentri anche l'us des lenghis reg-jonâls.

«Il nestri progetto nol rivuarde la preparazion dai professôrs di lenghis forestis e cemût che si à di insegnâ une lenghe foreste a scuele, che a son cuistions zaro-mai avonde claris – al motive Vittorino Michelutti, sot dirigent dal Convit di Cividât e coor-denadôr dal progetto «Rush» – ma chei ambients educatifs du-

la che si cres e che si impare do-prant plui di une lenghe. In struc, la nestre atenzion e ri-uardarà lis competencis ne-cessariis paï insegnants che a insegnin intun ambient plurilengâl e lis competencis che i fruts a svilupin cuant che a sperimentin te vite quotidiane la eduzazion plurilengâl».

Di fat, «Rush» al vùl contribuâ a definì i titui culturâl, profes-sionâl e scientifics di ricognossi al insegnant plurilengâl in Eu-rope e al smire di créâ, tal cu-dri european des «Competencis clâf», modui formatifis pal aprendiment integrât des lenghis e dai contignûts, cuntun us plui slargjât des tecnologiis, par modernizâ i ambiti dal apren-diment.

La candidature di Friûl, Galizie e Cravuazie e je stade prude-lade prin di dut di «ARLeF» (la Agjenzie regionâl pe lenghe furlane) e po dal Comun di Cividât, cu la «Dirección Xeral di Educa-ción» (al ven a stâi l'assessorât da la istruzione de Region auto-nome galiziane) e cu la «Unione italiana in Slovenia e Croazia».

Tal progetto a saran invistits 186 mil euros, necessaris par

puartâ indevant il studi su lis competencis dal insegnant plurilengâl e par realizâ un «Data-base» dulâ che si podarà archiviâ dutis lis esperiençis didati-chis plurilengâls. Il gnûf archivi, libar e integrabil, al sarâ a disposizion dai esperts di didati-che di dut il mont e al varâ di permetti – seont il professôr Michelutti – di ricognossi la valen-za educative e didatiche del insegnant bi- o tri- lengâl, chel che al trasmet competencis do-prant in ogni ativitat didatiche plui lenghis.

«O vin cjapade cun grande sodisfazion la buine gnove dal finanziamet – al comente il president dal «ARLeF», Lorenzo Fabbro –. Dal sigür, lis ativitâts che a vignaran svilupadis cun «Rush» a zovaran par insiorâ, traviers scambis e contribu-zions di altris regions di Europe, ce che si è daûr a fâ par rinfuarçâ competencis, formazion dai insegnants e anche formis modernis di aprendiment des lenghis, furlan comprendût, intes scuelis furlanis».

«La impuantance di chest progetto – e marche Patrizia Pavatti, retore e dirigente scolastica dal Convit «Paolo Diacono» – e je inte inovazion dal inseriment des lenghis minoritariis intal insegnament plurilingui-stic. Chest si sperimente pe pri-

me volte in Europe e i da al progetto une dimension plui largie e pionieristiche par costruî une pratiche educative di su-cès».

Intant che a van indevant lis esperiençis pratichis di educa-zion plurilengâl za inviadis tes scuelis leadis cul Convit civida-fin, si è daûr a prontâ la prime convigne di ducj i “partners” dal progetto.

«Cul Comun di Cividât e cui puartevôs des scuelis “Salvatera di Miño” e “Carlos Caseras” di Sant Jacum di Galizie e “Benusi” di Rovigno, o vin stabilit che il vén inviament dal progetto al colàrâ dai 15 ai 17 di Zenâr di an cu ven – al declare Vittorino Michelutti –. In ché volte, o clama-rin te nestre citât ducj chei inse-gnants e chei students de scuele dal oblic (de Scuelute insin ai prins doi agns des Superiori) che, za di cualchi an incâ, a praticchin il bi- o tri- lenghisim e che, tai agns avignâ, a varan di jessi nestris sperimentadôrs. O clamarin anche i “partners” inter-nazionâl dal Convit, che no jentrin diretemetri tal progetto, come lis scuelis di Cjaudistrie/Koper e di Piran, in Slovenia, e lis scuelis di Spittal e di Clanfurt, in Carinzia, e dutis lis scuelis de provincie di Udin che za o colaborin parie».

MARIO ZILI

Storie de art furlane in lenghe/125 Valentin Presani, impuantant inzegnîr e architet

Un impuantant inzegnîr (e ar-chitet) al è il **Valentino Pre-sani** nassût a Udin tal 1788 e al murì tal 1861. Laureâ a Bologne e dopo al frequentâ a Rome la Academie des bielis artis, cjapant sù no dome une culture di esemplis neoclassics, ma anche paleocristians e gotics, oltre che al restaur storîc. Al è considerât il miôr architet furlan. Tal 1812 al è vinçut il I premi di archi-teture a Vignesie, tal 1815 il premi Ca-nova a Rome.

Ma di dutis chestis tindincis lui al reste leât al classicism e al cult de si-metrie. La sô opare plui impuantante e je il Cimiteri di Udine dal 1817, progettât in forme neoclassiche e cuntun respîr monumental. Cussi cheste tradizion e va indenant fin al 1900. Daspò al fâs il progetto pal Palaç dai studis di Udin (1821), ma la reali-zazion e ven fate dome tal 1882, che e cjape dentro dut il quadrât di edificis

che a van di place Garibaldi e vie Gji-nasi Vieri, Larc Ospedâl Vieri, vie Cri-spi, dulâ che une volte e jere la scuele dai Barnabits, daspò cui agns, altris Istitûts: tai ultins agns, al vignie lo-gât il famôs Istitût Zanon, cumò e je la scuele medie Manzoni. Ance ches-est edifici, di stil neoclassic, de bande di place Garibaldi, al fâs biele mostre la jentrade principâl cun colonis e lese-nis e timpano, risultant la part plui alte di dut l'edifici. Daspò o vin la fa-cade de glesie des Basiliqe des Gra-cis di Udin dal 1821, e anche culi al ribat la sô nostalgicje al classic. Simpri a Udin il progetto dal monument de Pâs di Cjampfuarmit in place libertât a Udin (1819). Tal 1826 il Presani al va a Zara tant che inzegnîr governatif (e daspò a Triest a cijâf de direzion des publichis costruzions). Cul al lasse la sô opare mestre, la vile Gossleth (1839), cul cuarp centrâl infür domi-nât di une loze cun cuatri snelis colo-

nis jonichis, di une netisie neogreghe. **Drea Scala** architet, sagjist e teoric di nivel nazional, nassût a Udin tal 1820, fats i studis a Udin e daspò a Vi-genesie cul cors Bienâl di architetture, tal 1845 al vinç il concors trienâl a Rome, riservât al miôr arlef. Passâts i moments a Milan dal Risorziment, si specializâ tal cijamp des costruzions rurâls, che i puartarin i prins la-vôrs, anche cul aiut de Societât agrarie furlane. I siei projets paronâi ju ciatin a Modean, a Cormons, a Feagne, a S. Denêl, e anche lis realizations des vilis di campagne: Giacomelli a Prada-man (1851), Caiselli a Percût (1853) e plui tart Tellini a Buri (1862-69), e altris. Si è dedicât anche ai lûs sacris, sperimentant diversis soluzions, il neolombart pal domo di Mortean (1858), i internis des glesies di Favuâs, Puçui, Cjasteons, si è dedicât anche ae realizzazion di altârs tes glesies pa-rochialis di Cjasteons, Codroip, Sluse-

e Vençon, te glesie dal Redentôr di Udin, e tal templut Gaspari di Tisane. Invegit per glesie di Riçul il neogotic (1855). A partî dai agns sessante si proietta su la sene nazional, cjapant part a lis vicendis de architeture po-stunitarie. E lu meterin ae guide de sezion taliane di architeture ae Espo-zision di Pâris tal 1867. Al partecipâ a diversis comissions impuantantis nazionalis, anche cun ideis propriis, come il cimiteri monumental di Padua, lis presons di Gjene e di Udin. Ancje cun restaurs architetonicis im-puantants: al completâ la façade di S. Maria del Fiore a Florence, ripristinâ la Loze dal Lionel di Udin (1876), esperiençe exemplâr te storie dal re-staur furlan. Ma, cui agns, al ven co-gnossût come projets de teatris sedi in Italie che tal forest, e no dome la part architetoniche, ma anche i mio-raments te acustiche, des lûs e tes si-stemazions dai puescj. Tra i restaurs



vieris o gnûfs o ricuardin: Teatri So-cial à Udin (1852), a Triest, Gurize, Conean, Spilimbergo, Pise, Florence, Trevîs, al Cairo in Egijit, Vigevano, Mil-an e in tanca altris puescj. Al murì a Udin tal 1983.

BEPPI AGOSTINIS